



UNIVERSITÄTS-
BIBLIOTHEK
PADERBORN

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Caput IX.

[urn:nbn:de:hbz:466:1-64103](#)

descendentes per rectam lineam ; tum quia utriusque generis Fratres vocantur de Tertio Ordine , & de Regula B. FRANCISCI , ut videre est in Bullis Pontificis ; tum quia Professio solemnis perficit Ordinem, non destruit. Ita Bordon. in terminis, qui & ipse Tertiarius Regularis fuit. Ex quibus evidens est, tertium Ordinem à S. P. FRANCISCO pro Sæcularibus esse institutum.

C A P U T I X.

De Excellentiis , Prærogativis , & honoribus primariis tertii Seraphici Ordinis.

XXXI. Postquam Redemptor totius humani generis D. N. J. C. Mandum dedisset S. P. FRANCISCO reparandi Mundum universum, vitiis immersum, frigidum in Dei amore, & quasi immemorem beneficiorum Passionis Dominicæ , mitten- do de cælo ardente Seraphim; qui ad tantum reparationis opus accenderet cor S. FRANCISCI. Hic tertium instituit Ordinem pro personis cuiuscunque sexus, statu & conditionis. Unde in Hymno Officii S. Patris canitur : *Dum reparat virtutibus, hospes triplex hospitium, & Beatarum Menti- um, cum templum Christo consecrat.* Unde & S. Rom. Ecclesia in Coronatione Romani Pontificis intonat tres Collectas, seu Orationes : primam, de Spiritu S. (ut illuminet) secundam, de B. V. Maria (ut protegat) tertiam, de S. Patriarcha Francisco , ut (sicut reparavit Ecclesiam) eandem sustentet. Et à Seraphico Doctore S. Bonav. accepimus tres istos Ordines in triplici Ecclesiâ, per S. Franciscum divino iussu reparatâ, præfiguratos fuisse, per revelationem factam ab ipsomet D. N. J. C. in monte Alverniæ apparente, in forma volantis Seraphim, & S. Franciscum

alloquentis, ut sibi daret rem aliquam grata- & pretiosam. Super quo S. Pater omnibus mundi rebus denudatus obstupescens vidit, & in sinu suo mirabiliter invénit triplicem auream monetam, quam Domino Redemptori suo obtulit, qui easdem tanquam drachmas per hominum peccata deperditas grato vultu acceptavit dicens : scias Francisce, tres illas pretiosissimas monetas, quas dedisti mihi, esse tres Ordines, quos cum tanto zelo, & pietate instituisti ; & ego in præmium, & mercedem retribuo tibi meas sacras Plagas, & quinque Vulnera, quæ tanquam Capitaneus, & Vexillifer singularis meæ Passionis, & Crucis [quam sustuli in monte Calvariae cum acerbissimis doloribus] circumferes per te, & Fratres tuos per mun- dum universum. *S. Bonav. in vita S. P. F. Orb. Seraph. L. 12. c. 3. Ang. Anda de Lant. de tert. Ord. f. 1716.* De mirabili hac im- pressione S. Stigmatum servatur etiam publicum Officium, & Sacrificium in toto Seraphico Ordino, nec non in Ecclesia univer- sa 17. Septemb. Et videri possunt Lectiones propriæ II. Nocturni ex D. Bonav. in Leg. S. Franc. c. 23. de S. Stigmat. quæ Vulnera tam miranda, in die Exaltationis S. Crucis, valde mane summo cum doloris sensu, & magno ipsius Sancti clamore D. N. J. C. in specie Seraphim B. P. FRANCISCO appa- rens, primò manibus, secundò pedibus, tertiò lateri ipsius impressit. Desuper videri possunt monumenta Ordinis p. 2. T. 2. f. 229. Hæc S. Stigmata B. Francisci, à Pon- tificibus summè commendantur, eaque de imaginibus auferentes divinitus puniuntur, prædicantes illa non habuisse excommuni- cantur ; & nullum Beatum, vel Beatam (etiam S. Catharinam de Senis) cum Stig- matibus depingi, ad instar Stigmatum S. Fran- cisci, à Sixto IV. inhibitetur, de cuius Stigma- tibus Apostolica habentur testimonia quam- plurima

plurima, scilicet : *Gregorii IX. Nicolai III. Sixti IV. Alexandri VI.* Et negantes illa Deum & Apostolicam Sedem offendunt. Horum Stigmatum, aliorumque mirabilium, quae in ipsa concrucifixione Altissimus operatus est, refert *Gregorius IX. in Brevi, usque ad terminos orbis terrae.* Qualia Brevia omnia, & singula facile inveniri possunt in p. 1. monim. Ord. si inspiciatur index operis litt. S. Romæ quoque de S. Stigmatibus publica Archi-Confraternitas erecta est, cui plurimi Cardinales, & primi Italiae Principes inscripti sunt, qui nudis pedibus cum cinericio habitu, & chorda per plateas professionaliter incedunt, portante, in pretioso vase, continentे sanguinem S. FRANCISCI, Stigmatibus ejus olim emanantem, & cum eo publicam Benedictionem dante Rmo P. Ministro Gen. totius Seraphici Ordinis, vel (in absentia ejusdem) Commissario Generali Familiae Fratrum Min. de Obs. residente in Conventu ad S. Mariam, in Ara Cæli. In Ecclesia etiam Lateranensi Urbis & Orbis matre, sanguis ille aliquoties publicè in anno ostenditur populo, & in honorem S. Stigmatum B. P. FRANCISCI pro magnifico novo templo (sub titulo S. Stigmatum) primum lapidem posuit in propria Persona Sanctissimus D. Noster Clemens XI. anno 1715. collato ingenti pecuniae subsidio; ut testatur excisum è marmore monimentum.

Barthol. Pisanus in Lib. Conform. B. Francisci declarat 40. conformitates S. Patris cum Christo Domino. L. 1. fructu 2. Conf. 2. p. 2. & Gregorius IX. qui B. Franciscum canonizavit in quadam prosa, quæ incipit: Caput Draconis, in qua eundem sic commendat dicens: De Christi Latere noviss Legatus mittitur, in cuius sacro corpore vexillum Crucis cernitur, Franciscus Princeps in clytus signum Regale bajulat, & celebrat

convivium per cuncta mundi climata, contra Draconis schismata, acies trinas ordinat expeditorum Militum, ad fugandum Exercitum, & tres catervas Demonum, quas Draco semper roboret. Unde in Hymno canit Ecclesia Seraphica: *Decus morum, Dux Minorum, Franciscus tenet bravum.* Qui secundum S. Bonav. venit ab Ortu Solis. Apoc. 7. ut Angelus cum signo Dei vivi, id est, cum stigmatibus Jesu crucifixi, ad renovandam perfectionis semitam, quæ erat obliterata; & fervore prædicationis, Zelo charitatis, & flaminâ spiritus Christi totus accensus, ut alter Elias virtutum æmulator existere, & aliquos ad justitiam perfectam inducere, cæteros ad pœnitentiam invitare cœpit. Unde S. Franciscus voluit Regulam hanc esse authentizatam, & plumbatam sigillo D. i. vivi. ad Gal. 6. *Ego Stigmata Domini IESU in corpore meo porto.* Quibus 5. Sigillis insignivit Christus institutorem ad ostendendam excellentiam hujus Ordinis, & Regulæ, quæ summè significatur & sublimatur ex portatione, & susceptione Habitū Franciscani, pauperis, & cinericai, ad instar coloris vestis inconsutilis, quam propriis manibus pro Filio suo fabricavit Beatissima Virgo, dum esset parvulus, quæ cum ipso crescente crescebat. Ut jure-jurando testatus est B. P. Baptista de Levando Ordinis nostri Vicar. Gen. qui affirmavit, se illam tunicam cinericai coloris inconsutilem vidisse in quodam castro, ubi conservatur, & ostenditur cum summâ veneratione; id ēque non est dedecus portare vilem Habitum talis birettini coloris, sed ē contrario maxima est gloria. Suntque verba Eminentissimi Cardinalis de Trejo.

Annē indignus est FRANCISCI funis, quo regia Purpura cingatur? Eo præcinctus fuit Ludovicus Rex Gallie, Elisabeth Princeps Hungariae, & alii in Sanctorum numero

rum relati, Imperatores, Imperatrices, Reges, Reginæ, Cardinales, & alii Principes vi-ri; quorum numerum auxerunt Philippus III. Rex Hispan. & paulò antè Serenissima Hispaniæ Regina Elisabeth Philippi IV. Uxo r, & Nobilissima Princeps Maria ejusdem Philippi IV. Soror, quæ etiam huic ter-riæ Regulæ nomen dederunt. Sed quid mul-ta! nonne cinericeus Habitus S. FRANCIS-CI purpureus est, quo ornari possit Regia & Cardinalitia Dignitas? verè purpureus est, quem Christi signat crux, & Passionis ejus coloravit fides, quémque Christi vice pro-prio sanguine ex S. Stigmatibus effluente ru-befecit Franciscus?

Sublimatur etiam hic Ordo prærogativâ extraordinarîa non solùm, quod summi Pontifices Regulam hanc esse saluberrimam affirmerint, approbaverint, & confirma-verint; uti Nicolaus IV. Bullâ. *Super montem. Jeannes XXII. in Extravag. qua incipit: Sacra Romana. & Glofs. in Clem. Cūm ex eo. de sent. Excom. & in C. un. de Rel. Dom. L. 6. & in Clem. i. eod. tit. ibidemque Joan. de Imola.* Sed præcipue, quod Filius Dei Chri-stus JESUS hanc Religionem sic exaltaverit, ut epus Vicarii, summi Pontifices, (post-quam ad Vicariatum Christi elevati sunt) hanc Religionem suscepserint, & hanc Re-gulam professi sint, Chordam & Habitum FF. de Pœnitentia portaverint sub Habitū Pa-pali. V. inf. C. 38. n. 151. de quali exemplo sola, & unica Seraphica Religio gloriari pos-teat Ang. Auda de Lantoscaf. 178. Reg. 3. Ord. Miranda f. 340. Ad ostendendam quòque dignitatem hujus Regulæ S. Mater Ecclesia dedit Indulgencias eam audientibus legi semel in mense, quando fit Congrega-tio. Inter alios autem summos Pontifices Clemens V. dedit XIV. Quadragesimas Indul-gentiarum, qui sunt dies 560.

Denique sublimatur hic Ordo ob multitu-

dinem Sanctorum, operationem miraculo-rum, & numerositatem per totum Orbem Christianum, ut dicat *Card. de Trejo:* Quis gloriosius unquam expertus est, ac melius explicuit illam centupli re promissio-nem. *Matt. 19.* quād S. FRANCISCUS, qui modicâ Mercatoris Patris domo relictâ, non solùm æternæ vitæ accepit à Deo retributio-nem, sed & in hac vita tot domos opulen-tas in universo obtinuit Orbe, plenas optimis filiis & filiabus, ita ut nulla sit apud In-dos, & Antipodas ita remota natio, quæ domos D. FRANCISCO non consecraverit, & filios ei non pepererit. Próque facultati-bus, quas reliquit, tributa voluntaria Pon-tificibus, Imperatoribus, Regibus, & pri-vatis in universo Orbe imposuit, quibus alunt indigos filios, habentes sibi subjectas Mundi potestates. Vide *Orb. Seraph. L. 12. C. 4. de Cura FF. Minor. pro III. Ordine propagando.* & C. 14. ubi sic loquitur: Illa est tertii Or-di-nis gloria singulariter insignis, quod, cùm Religiones omnes, instar omnium rerum sub-lunarum à primæva sua perfectione sensim sine sensu declinare sentiantur; hic de Pœni-tentia Franciscanus Ordo ad perfectionem semper profecisse dignoscitur juxta Propheti-cum Dictum Ps. 83. Ibunt de virtute in vir-tutem. Institutus námque promiscuè pro utroque sexu à S. Fundatore tertius Ordo (in quo viri, & mulieres, sub certis regulis domi pœnitentiam agerent, ad facienda pœni-tiæ & pieratis officia) deinde congregati cœpit ad formanda Collegia, ad convi-vendum in domibus & Ecclesiis collegialiter uniri; ut longè majori perfectione in via Do-mini proficerent. Exinde etiam Solemnia Re-ligionis Vota intrâ Claustra ex Apostolicæ Se-dis approbatione emittere voluerunt, unde tantò majori cum gloria inter Regulares, & Religiones approbatas numerari meruerunt. Utì constat ex *Chronicis Lusitanicis, Belgici-*

cis,

cis, Germanicis. &c. Imò solà Regularitate neandum contenti, renuntiatis privilegiis multis, & libertatibus, sub Regularis Observantiae titulo, per Hispanias, sub Obedientia Ministri Gen. vivere elegerunt; & postremò in Galliis sub Titulo strictioris Observantiae ad ultimum reformationis apicem anhelantes, vilibus, & rudibus pannis vestiti, nudis pedibus calepodia gestantes, & in nobili Paupertate mendicantes, non sine singularei Sæcularium ædificatione; inter Religiones maximè reformatas jam censentur. Moniales etiam [quæ dederunt potius, quam receperunt S. Reformationis exemplum] in Orbe Christiano ad majorem indies rigorem, non ad libertatem, proficientes magno Sæcularium applausu vivunt cum maximâ sanctitatis opinione Sæcularium etiam Congregationes per Galliam, Germaniam, Italiam, Belgium tantâ cum ædificatione nobiliora pietaris exercitia publicè profitentur, ut urbibus & Regnis fiant in exemplum. In Hispaniis autem ultra Regii Sanguinis personas, sex Reges & Reginæ, priore Sæculo 16to, in Regali & Imperiali Curia Madritensi huic tertio Ordini nomen dedisse, nemo inficiatur. *P. Diaz in Dedic. ad Regiam Confratern. Madrit. sub funic.* S. Francisci Deo devotè militantem in suo Direct. 3. Ord. Romæ impresso 1688. Imò in Hispaniis, & Lusitania paucos est invenire, saltem, qui qualemcunque animæ suæ zelum preferunt, qui Sodales, & Confratres S. FRANCISCI effecti non sint. Ad mare Atlantice etiam in mari Congi habitationem suam, ex Lusitanica Provincia, nulli parcentes labori, & vitæ incommmodo fixerunt, ut etiam inter infideles Turcas, & Barbaros, verbo & exemplo, labore, sudore, & sanguine Fidem Christi declinant. Desuper inspice Bullar. Rom. To. 5. Bullâ 31. Bullâ 224. apud Bord. Diploma Pauli III. trium Statu-

tum. & Bull. Urbani VIII. Qui præter S. Elisabeth Portu-Galliae Reginam solemniter canonizatam, & prævio rigoroso examine declaratam, eam fuisse tertii Ordinis membrum. 17. Martyres Japonicos gloriose BB. Martyrum Titulo solemniter donavit. Seraphici Instituti hujus de Pœn. glorias fusiū vid. apud Gubern. in Orbe Seraph. L 12. C. 14. pag. 920. item in p. 3. sua Historia.

C A P U T X.

De triplici Statu Tertiariorum.

XXXII. **T**ertiae Seraphicæ Vineæ sunt tri-

plices diversi palmites, seu Status.

Primus est virorum Religiosorum Regularium, emittentium tria solemnia Religionis vota (Castitatem, Paupertatem, & Obedientiam) in Regularibus Monasteriis, & Conventibus, habentque suos Religiosos Superiores, etiam Provinciales Ministros, & integras Provincias, imò de facto in Italia proprium habent Generalem.

Secundus est Monialium, & Religiosarum Tertiariarum, in formalibus Conventibus regulariter viventium, & 3. solemnia Vota emittentium. Hi duo status Vota Religionis emittentes exactissimam debent Custodiæ Vineæ præstare obedientiam & submissiōnem.

Tertius Status est illorum, qui Vota solemnia non emittunt, & solo tertii Ordinis de Pœnitentia vinculo adstricti, directioni Ordinis Seraphici suppositi degunt in propriis domibus, seu casis (Mares, & Fœminæ, Virgines & Clerici, cuiuscunque Status) & hi ultimi in sæculo viventes habent aliquando suas certas Congregationes, & Confraternitates etiam canonicè erectas, aut Oratoria; vel si eas non habent, in Ecclesiis Fratrum Minorum convenienti, faciuntque omni